

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesu Christi Homeliae quinquaginta sex, Theorematum
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.

Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIIII

Duodecim gradus humilitatis, qui ad c lumen leuent, quinam sint. Serm. IV.

[urn:nbn:de:hbz:466:1-47113](https://nbn-resolving.de/urn:nbn:de:hbz:466:1-47113)

IN EADEM SOLENNITATE.

Duodecim gradus humilitatis, qui ad cœlum leuent, quinam sint.

Sermo IV.

Oritur sol & occidit, & ad locum suum reuertitur: ibique renascens gyrat per Meridiem & flectitur ad Aquilonem, lustrans vniuersam circuitu. Ecclesiastes I. Solem hunc fratres mei Christum Dominum & Saluatorem nostrum nobis significare, nemo est, qui ignorat. Siquidem ipse est sol iustitiae, qui illuminat omnem hominem venientem in hunc mundum, quique luminis sui radios transmittit super bonos & malos. Hic ortus est nobis angelo testate, cum dicit: Natus est vobis hodie Salvator. Hic iterum occidit per passionem & mortem, & ad locum suum reuertitur, puta in cœlum hodie ascens. Ibiq; dum esset, quia noluit nos relinquere orphanos, renascens, id est, de novo mentibus humanis illabens: quippe qui nobis (vt promiserat) alium paracletum Spiritum sanctum mittens, qui nos induceret in omnem veritatem: per quem etiam charitas diffunderetur in cordibus nostris. Vnde sol Rom. 3. iustitia Christus Deus noster, quasi est spiritualiter renatus in nobis, qui ante corporaliter fuerat natus propter nos. Itaque, quod dixi, ibi renascens gyrat per Meridiem, id est, per prædicationem Apostolorum, quos Spiritu sancto impleuerat, circuiens à Meridie reuertitur in Meridiem. Per Meridiem Iudeos insinuans, à quibus prædicationem exorsus est, ad quos missum pariter se fateretur, dicens: Non sum missus nisi ad oves, quæ perierunt domus Israel. Et alibi. De Sion, inquit Propheta, exibit lex, & verbum domini de Hierusalem. Higitur Iudei, à quibus Ecclesia incepit, quia salus ex Iudeis est, & ad quos in fine mundi reuertetur, sunt Meridies, per quos sol iustitiae gyrat. Flectitur ad Aquilonem, hoc est, ad gentiles, & lustrat vniuersa, quia non est, qui se abscondat à calore eius. Hic, inquam, sol, qui oritur & occidit, hodie ad locum suum reuertitur. Vado enim, inquit, ad eum, qui misit me. Et iterum: Exiui à patre & veni in mundum: iterum relinquo mundum, & vado ad patrem. Venit sane in mundum, vt nos mundos faceret. Vixit ad tempus in mundo, vt nos imitandi ac sequendi se viam doceret. Iterunt reliqui mundum, vt post se nos traheret. Hoc olim figurabatur in Jacob, qui profectus in Mesopotamiam, servivit Laban propinquuo suo. Seruuit autem illi pro Rachel formosa aliquot annis, quam tamen non recepit primo, sed Liam lippis oculis, fœcundam tamen, deinde Rachel fibi copulavit. Et licet abeuntem ex Mesopotamia hunc Laban persequeretur, nihil tamen nocere potuit aut impedire, quin in terrā suæ nativitatis rediret, & utrāq; familiā, Lia videlicet & Rachelis, ad se recipiat. Hoc modo Christus in hunc mundū veniens, seruuit propinquuo seu a-nūculo suo, hoc est, patri matris suæ, populo videlicet Iudeorum, ex quo natus est secundum carnem. Seruuit autem ei ambulando de ciuitate in ciuitatem: famem, astum, frigus & alia id genus corporis incommoda sustinendo, prædicando quoque, miracula faciendo: & id amore Rachelis, id est, populi Iudaici, ad quos præcipue missus fuerat. Qui vel propterea speciosus, quia unius verique Dei cultor, erat. Verum subintravit ad Christum Lia, hoc est, Ecclesia ex gentibus, lippis quidem oculis. i. errorepaganitatis, & idolo-

Malach. 4.

Ioan. 1.

Luc. 2.

Ioan. 14.

Ioan. 16.

Matt. 15.

Esa. 2.

Ioan. 4.

Meridies cur mysticè

Iudeos de-

signet.

Matt. 15.

Esa. 2.

Ioan. 4.

Iacob pro v-

trage con-

annis,

quod modo

figurauit

Christum.

Gen. 29.

Gen. 31.

Rachel quid

mysticè

Gen. 31.

rum cultu fermè obcæcata, in fide tamen fœcunda: quandoquidem in ea multitudo maris, & plenitudo gentium venit ad Christum. Deinde etiam Rachel eidem coniuncta est, duos habens filios. i. populum, qui ante Christi aduentum saluatus est, reliquias Israel, id est, eum populum, qui post Antichristi exitium saluabitur. Hic Iacob Christus iturus ad terram suæ nativitatis, licet à Laban, id est, populo suo propinquo secundum carnem persecutonem pateretur, atque post mortem suam in sepulchro militibus vallatu custodiretur, non potuit tamen eius iter impediri custodibus in eius resurrectione perterritis, & veluti mortuis factis, sed solutis vinculis inferni, & captiua ducta captiuitate liber intravit in ciuitatem suam, ut nos omnes, hec est, sui imitatores faceret illius municipes. Sequamur igitur eum charissimi fratres. Ascendamus cum eo. Docuit enim nos ipse modum ac viam ascendi.

Esa 60. **Rom. 12.** **Laban mystice quid designet.** **Matt. 27.** **Matt. 28.** **Psal 67.**

Luc. 14. 18.

Humilitatis gradus duo decim qui sunt. **Psal 11.** **Bernardus.**

Qui se (inquit) humiliat, exaltabitur. Simus igitur parui, immo nihil in oculis nostris. Sentiamus de nobisipsis parum aut nihil, de alijs multum. Accusemus quotidie & lugeamus delicta nostra (quia nihil est nostrum praeter peccatum) & arbitremur nos omni honore, omni verbo bono, omni beneficio, omnique consolatione cum diuina tu humana indignos. Hæc enim humiliatio scala est, qua descendentes ascendimus, seu exaltamur in celum, cuius sanctus pater Benedictus duodecim gradus docet. Primum, timorem domini, eum videlicet, qui continet ab omni peccato, qui nihil negligit, & qui in mandatis domini cupit nimis. Alterum, abrenunciationem suis ipsius, hoc est, qua non amat quis voluntatem propriam.

Tertium, obedientiam. Hac enim exclusa nemo quidpiam mereri potest. Siquidem Spiritus S. gratiū nō accipit, quicquid ei obtuleris, neglecto inter eo, quod debes.

Quartum, patientiam. Quintum, confessionem peccatorum: non eam, quæ solum vocalis est, sed quæ intus in corde detestatur, & cum gemitu plangit atque damnat peccatum. Sextum, contemptum sui. Sine hoc gradu frustra ædificatur, quicquid ædificatur. Est enim fundamentum spiritualis ædificij contemptus sui, siue amoris proprij mortificatio. Septimum, alios præferre sibi. Sunt nanque qui seipsos contemnunt, aut potius sibippsis videntur contemnere se: verum sustinere nequeunt absque amaritudine alios sibi præferri. Octauum, nil singulariter agere. Est quædam singularitas virtuosa, vbi virtuosa quæ aliter quam regula Euangelij, aut aliter à monachis, quam regula habet monastica, viuitur, & singulari qnis specie viuitur deuotionis: idque ante oculos aliorum. Hæc singularitas, tametsi quandoque ex simplicitate veniat cordis, tamen accipitur ut sere semper, tanquam vana gloriatio aut hypocrysis: inde scandalizat infirmas conscientias magis quam ædificat.

Singularitas bona ac necessaria. **que sit.**

Alia singularitas est, vbi quis ea, quæ tenetur facere, iuxta statum suum agit feruenter, perfectè, atque palam, cæteris delinquentibus, aut tepide remisseque agentibus. Hæc singularitas non modo bona, sed est etiam necessaria. Hoc modo omnes sancti fuere singulares. Hoc modo quisquis es in congregatione, vbi alij transgrediuntur, necesse est non participem te fore aliena prævaricationis, alioqui eris & damnationis. Necesse est, inquam, singularis sis seruans ea, quæ Deo, aut in baptismo, aut in professione promisisti. Ibi enim nequaquam oportet temoribus conformari tepidorum aut perperam agere.

agentium: quia nihil excusabit, sed magis agrauabit te delinquentium multitudine, si tu simul delinquendo particeps disolutæ eorum conuersationis fu-
eris. Abstractam igitur, si tibi ita contingat necesse est ducas vitam, à delin-
quentium consortio alienam. Nam et si, ut par esset, verbis non aedes au-
potes alienas transgressiones corripere, tuo exemplo bono, tua sancta singu-
laritate, quam damnablem alij vivant, eis commonestra: seruato tamen in-
terim humilitatem cordis, ne ad iudicandum aspernandumque tenteris. No-
num, tacere usque ad interrogationem. Philosophi, pagani, ethnici, sapien-
tes cuncti, eremiti, monachi, & regularum atque cenobiorum instituto-
res consentiunt omnes in multiloquio non deesse peccatum: sed eum, qui cu-
pi philophari aut (ut Christiane dicamus) qui Deo cupit vacare, in silen-
tio oportet expectare salutare Dei. Quam periculosa sit multa locutio, quā
varia peccata lingua quam vana absque refrenatione linguae religio, nde li-
quer, quod omnes tam veteris, quam noui testamenti scriptores, atque adeò
Christus pse locutiones ociosas interdicunt: idque non solum monachis, ve-
rum etiam quibusvis, Deo & non mundo seruire cupientibus. Testatur om-
nes regulæ patrum, testantur ipsa statuta nostra quam velint à suis alumnis
silentium districte obseruari. Contra qua statuta aut regulas contrarie quan-
tum sit peccatum, indicat se veritas censuræ seu poenæ transgressoribus infli-
genda. Neque enim æqua seu pari poena dignæ sunt statutorum quævis trans-
gressiones, sed ibi grauius delinquitur, vbi studiosior atque seriosior fuit vo-
luntas superioris aut regulæ iubentis, ut serueretur, siue ut obediatur. Porro
constantiorum studiosiorem ac fortiorem præcipientis constat esse vo-
luntatem, vbi non obtemperantibus maiorem minatur poena. Iam liquet
ex sanctorum regulis, atque nostris statutis pro quavis fractione silentij poe-
nam debere grauem. Taceo quod legifer noster Christus omnibus suis milie-
bus, hoc est, cunctis Christianis prædictis, de quo quis verbo ocioso redien-
dam rationem in die iudicij. Heu si de verbis ociosis imo de omni verbo oci-
oso: quanta de verbo murmuratorio: aut detractorio, obsceno ratio reddē-
da est? Huins rationis reddendæ metus, hic timor diuini illius iudicij Car-
thusiensibus omnibus perpetuum indixit silentium. Beati qui illud seruauer-
rint. At infelix prorsus & miser, qui illud contemnit, aut per incuriam seu
assuefactionem relinquit. Sentiet, qui eiusmodi est, in egressu animæ quid fe-
cerit. Decimum, non esse facilem ad ridendum. Scimus qui dicit: *Vae qui ridetis* Luc.6.
nunc, quoniam flebitis. Hoc tamen dictum putamus de immoderato risu aut
gaudio. Nam hilaritas moderata, risusque rarius ac modicus de re non im-
proba aut inhonesta, non admodū, si graue est delictum, fiat loco & tempo-
re congruo. Undecimum, vbi etiam loqui oportet, pauca & rationabilia lo-
qui: numirum propter linguæ lubricitatem, inconstantiæ, ac ad mala proni-
tatem: cuius nemo, si incepit loqui, facile est continens. Duodecimum, sta-
tu & habitu humilitatem exercere, hoc est, ut in moribus, in operibus, in
verbis, in vestibus, in cibo, in obsequijs, in loco, in societate, in exercitio &
postremo in omnibus, quantum amerit vilitatem & paupertatem custodes hu-
militatis, Ipsa ostendat veritatem. Haec qui obseruauerit, qui ita se humilia-
uerit, qui cum Christo ad ima descendenterit, cum eodem etiam ascendet, hic

per

per augmentum gratiæ, & post per consortium gloriæ. Quod nobis omnibus largiatur Iesus Christus in secula benedictus, Amen.

IN EADEM SOLENNITATE.

De decem gradibus quibus Christus in hac mortalitate descendit, in quibus nos eidem conformari oportet.

Sermo V.

Nemo ascendit in cœlum, nisi qui descendit de cœlo, filius hominis, qui est in cœlo. Ioan. III. Christi ascensionem ita hodie festiuam colimus trahi charissimi, ut admoneamur pariter cum ipso, nunc quidem in spiritu & spiritualiter, subinde verò & corpore & spiritu corporaliter ascendi, tanquam membra, illuc quo caput nostrum principiumque praesentetur. Verum quia Christus ad patris dextram ascendit, ideo quia ante ad passionem, & cætera quæque humillima descendit: ita nobis quoque ad supernam gloriam aspirantibus necessarium est ad inferiora primum humiliari. Quia vero utriusque suum est tempus, nunc quidem descendendi, postea vero ascendendi, ne tempus illud praoccupare videamur, quod futurum est, & ascensione interim, i.e. glorificatione nostra taceamus & quod modo noctis incumbit, hoc est, quomodo nunc descendamus cum Christo inquiramus.

4. Reg. 20.

Legimus Ezechiæ ægrotanti dum promitteretur à Domino sanitas, signum etiam additum, quo eiusdem missionis infallibilis persuaderetur certudo. Signum hoc fuit, quod sol in horologio decente lineis reverteretur per gradus, quibus descenderat. Hoc signo accepto, futurum etiâ crederet, quod promitterebatur, hoc est, sanitatem recuperata, latum & alacrem se templum Domini ingressurum. Ezechias ægrotans significat humanum genus lapsum cuius iuxta Esaiam, omne caput languidum, & omne cor maren, & apertum, usque ad verticem capitis non est in eo sanitas. Qui etiam interpretatur ad nos, quia vere quilibet nostrum dicere potest. Nisi quia Dominus adiutor, paulo minus habet affectus in inferno anima mea. Huic itaq; ægrotanti Ezechias fuit missa liberacionis consequentia, decem lineis solem reuerti per gradus, quibus descendebat: quo significabatur naturæ humanae vniuersaliter perfectam tum consequi sanitatem, cum sol iustitiae Christus Dominus nostrarum esset reuersus ascendendo ad gloriam patris per decem gradus, quibus ante humiliando se per incarnationem descendebat. Verum, quia nunc Christo debemus conformari in omnibus, qua ad imitationem sui docere nos volunt: unde si cum Christo volumus ascendere, necessarium sit nobis cum eodem ante descendere. Videndum est igitur nobis qui sunt illi decem gradus, quibus ipse sol iustitiae Christus Dominus noster descendebat, rursumque hodie reuertendo ascendit, ut illi, sicut ascendentibus cupimus sociari, ita descendenti studeamus conformari. Itaque primus gradus est, quod descendit à patria in exilium huius mundi. De hoc descensu in libro Sapientiae dicitur: *Dilectum silentium tenerent omnia, & nox cursu suo mediū iter haberet omnipotens sermo tuus Domine exiliens de cœlo à regalibus sedibus venit. Et Christus ipse de se metipso: Exiui, inquit, à patre & veni in mundum.* Per hunc descendendum sumus

Ezechias ægrotansquid mystice.
Esaiæ 1.
Ezechias quid interpretatur.
Psal. 93.

Gradus decem quibus Christus descendit, qui sunt.

Sap. 18.

Ioan. 16.